

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
GRAD GRAČANICA
JU DJEČIJE OBDANIŠTE
„NAŠA DJECA“ GRAČANICA

Broj: 198-1/25

Datum: 03.06.2025. godine

GRAD GRAČANICA
GRADONAČELNIK
GRADSKO VIJEĆE

PREDMET: Zahtjev za saglasnost na Odluku Upravnog odbora na povećanje cijene usluga JU Dječije obdanište „Naša djeca“ Gračanica

Poštovani,

Na sjednici Upravnog odbora JU Dječije obdanište „Naša djeca“ Gračanica (u daljem tekstu: Ustanova) održanoj dana 03.06.2025. godine, Upravni odbor Ustanove je jednoglasno donio Odluku o povećanju cijene usluga JU Dječije obdanište „Naša djeca“ Gračanica broj:

Spomenutom Odlukom, cijena usluga Ustanove bi se povećala za 50,00KM odnosno cijena cjelodnevnog boravka bi se sa dosadašnjih 170,00KM mjesečno povećala na 220,00KM mjesečno dok bi se cijena poludnevnog boravka povećala sa dosadašnjih 140,00KM mjesečno na 190,00KM mjesečno.

Posljednja promjena cijena usluga Ustanova bilježi se u julu 2023. godine kada se cijena povećala za 20,00KM i to za cjelodneveni boravak sa dotadašnjih 150,00KM mjesečno na 170,00KM a za poludnevni boravak sa dotadašnjih 120,00KM mjesečno na 140,00KM mjesečno.

Kratko obrazloženje vrste boravaka u Ustanovi:

Cjelodnevni boravak podrazumjeva boravak djece u Ustanovi u periodu od 06:30h do 16:30h. U tom periodu za djecu se, pored redovnih odgojno obrazovnih aktivnosti, osigurava doručak, ručak i užina.

Poludnevni boravak podrazumjeva boravak djece u periodu od 06:30h do 12:00h i u tom periodu, pored redovnih odgojno obrazovnih aktivnosti, djeca imaju doručak i ručak.

Članom 80. Zakona o predškolskom odgoju i obrazovanju Tuzlanskog kantona („Službene novine TK“ broj: 10/20 – prečišćeni tekst i 5/22) propisano je sljedeće:

(1) U javnim predškolskim ustanovama sredstva za realizaciju specijalizovanih programa i troškove ishrane osiguravaju korisnici usluga.

(2) Pored sredstava iz stava (1) ovog člana, u javnim predškolskim ustanovama korisnici usluga mogu participirati djelimično ili u potpunosti i u osiguravanju sredstava za unapređenje uslova boravka djece u predškolskim ustanovama.

Od posljednje promjene cijene dešavaju se značajne promjene cijena svih aspekata života i rada. Ono što najviše utiče na finansijsko poslovanje Ustanove, pored troškova za plate i lične dohotke uposlenika, jesu upravo troškovi nabavke namirnica za pripremanje obroka za djecu. U prosjeku se radi o 200 djece kojima se, dnevno, od ponedjeljka do petka pripremaju tri obroka – doručak, ručak i užina. Vodeći računa o zdravlju djece, obroci moraju da budu pripremljeni od najkvalitetnijih namirnica, raznovrsni, uravnoteženi te obogaćeni sezonskim voćem i povrćem, kao i svim drugim neophodnim sastojcima kako bi zadovoljili standarde i normative i djeci pružili samo najbolje za njihov rast i razvoj.

Poskupljenje osnovnih životnih namirnica (meso, voće, povrće, mlijeko i mliječni proizvodi, hljeb, ulje, jaja i ostalo) koje je naročito osjetno posljednje dvije godine, značajno je uticalo na finansijsko poslovanje Ustanove. S jedne strane, neophodno je izdvojiti znatno veća sredstva kako bi se i dalje osigurali zdravi, kvalitetni, količinski ujednačeni obroci za djecu a sa druge strane novčana sredstva za nabavku istih, ostala su nepromjenjena.

Vođeni činjenicom da su naši korisnici ujedno i naši partneri, prvenstveno u odgoju i obrazovanju djece, a potom i u svemu ostalome, a svjesni da su poskupljenja životnih namirnica i života uopćeno, pogodila ne samo naš budžet i naše poslovanje, već jednako tako i njih da će ovu Odluku prihvatiti sa razumijevanjem.

Vođen finansijskim izračunima, ali i ličnim stavovima Upravni odbor je donio Odluku da se cijena usluga poveća za iznos od 50,00KM, za koji se nadamo neće znatno uticati na kućne budžete naših roditelja/staratelja a Ustanovi će doprinijeti podmirenju troškova ishrane djece te eventualnom osiguranju dodatnih sredstava za unapređenje uslova boravka djece u Ustanovi, a sve u skladu sa članom 80. Zakona o predškolskom odgoju i obrazovanju TK.

S poštovanjem.

Prilog:

1. Odluka o povećanju cijena usluga broj: 198/25


Predsjednik Upravnog odbora
Dževad Salibašić
Dževad Salibašić

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
GRAD GRAČANICA
JU DJEČIJE OBDANIŠTE
„NAŠA DJECA“ GRAČANICA
UPRAVNI ODBOR

Broj:198/25

Datum: 03.06.2025. godine

Na osnovu člana 27. Pravila JU Dječije obdanište „Naša djeca“ Gračanica broj: 47/19; 484/19; 216/23 i člana 63. Zakona o predškolskom odgoju i obrazovanju TK („Službene novine Tuzlanskog kantona“ broj: 10/20 – prečišćeni tekst; 5/22) Upravni odbor je na 23. sjednici održanoj dana 03.06.2025. godine donio

ODLUKU
o povećanju cijene usluga
JU Dječije obdanište „Naša djeca“ Gračanica

Član 1.

Ovom Odlukom povećava se mjesečna cijena korištenja usluga JU Dječije obdanište „Naša djeca“ Gračanica.

Član 2.

Cijena korištenja usluga povećava se za 50,00KM.

Cijena za cjelodnevni boravak sa dosadašnjih 170,00KM mjesečno povećava se na 220,00KM mjesečno.

Cijena za poludnevni boravak sa dosadašnjih 140,00KM mjesečno povećava se na 190,00KM mjesečno.

Član 3.

Odluka stupa na snagu danom donošenja, a primjenjivat će se nakon dobijanja saglasnosti od osnivača.


Obrazloženje

Poskupljenja svih životnih namirnica (meso, voće, povrće, mlijeko i mliječni proizvodi, hljeb, ulje, jaja i ostalo) koja su u proteklom periodu i više nego osjetna, itekako pogađaju i utiču i na finansijsko poslovanje JU Dječije obdanište „Naša djeca“ Gračanica. Potrebno je izdvojiti značajna finansijska sredstva kako bi se svakodnevno pripremili i dalje kvalitetni, zdravi i za djecu prilagođeni obroci (doručak, ručak i užina) i to u prosjeku za 200 djece.

Navedeno poskupljeno doprinijet će podmirenju troškova ishrane djece te eventualnom osiguranju dodatnih sredstava za unapređenje uslova boravka djece u Ustanovi, a sve u skladu sa članom 80. Zakona o predškolskom odgoju i obrazovanju TK.

Upravni odbor je, vođen finansijskim izračunima, ali i ličnim stavovima donio odluku kao u dispozitivu.

Predsjednik Upravnog odbora


Dževad Salibašić